

# Mare

Marosu è d'oliu m'insignasti à vugà  
Chjaru o nebbiosu mi festi sunnià  
Mari turchini andavamu à ghjirà  
Fu lu destinu pè scopre l'aldilà

Sottu u to mondu vola in l'eternità  
Guallà in lu fondu ventu n'ùn soffierà  
Tanti viaghji si sò messi à cuntà  
I paisaghji di a nostra umanità

L'anima toia di richezza ci dà  
Quandu chè a noia sai chì ci vole à fà  
U focu ardente a sera pè cantà  
Un altra mente chì me ferà scurdà

Cù le to onde à namurighjà  
Basgià le stonde pè li monti scappà  
Piantà una stonda tempu di suspirà  
Fà una ronda bramosu di vultà

Marosu è d'oliu m'insignasti à vugà  
Chjaru o nebbiosu mi festi sunnià  
Mari turchini andavamu à ghjirà  
Fu lu destinu pè scopre l'aldilà

Sottu u to mondu vola in l'eternità  
Guallà in lu fondu ventu n'ùn soffierà  
Tanti viaghji si sò messi à cuntà  
I paisaghji di a nostra umanità